

TE HEHEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

*Te hoo: E 2 farane i te matahiti Hoê
e e 5 farane i na matahiti e Toru.*

No. 9 Tetepa e 1937.

Mat. 31.

TE BUKA A MOROMONA

PARAU TUMU

Ezekiela 39: 15, 16, 17, 18.

IRAVA TAUTURU

Salamo 85: 11

Isaia 29: 4, 11, 12-14.

Apokalupo 14: 6.

Parau Faalfe

Te haponohia mai nei; na to tatou Fare Ekalesia i Papeete, Tahiti nei, na to tatou upoo Ekalesia faatere i "Salt Lake City"; hoê Piano api — te mau ohipa no te roi e te niuniu — te mau parahiraa no te piha tamaaraa — te mau mereti, te patia, te punu e te tipi moni na te fare-faatereraa a ta tatou haapa'oraa i Orovini — Papeete.

EDITORIALE

THOMAS L. WOODBURY.

E Parau Faaite a Na Ite Tootoru (Te api matamua)

E parau mau te parau i papaihia e na ite e toru no te Buka a Moromona, e eita hoi ratou e hape i taua mau parau faaiteraa ra.

To ratou ia papairaa i te mau ui i te ao nei, e o to ratou ia faaiteraa. Ua itehia i mua o to ratou aro, aita ia e hape, e a muri noa 'tu.

E mea ta'no hoi te parau tohu a te arii David.

"E tupu mai te *parau mau no roto i te fenua, e hi'o mai hoi te parau-tia mai te rai ra*" Salamo: 85-11

E tohuraa mau ia no te taeraa mai o te Buka a Moromona, e ua ta'no te tupuraa i te anatau hopea nei ra. Ua tuuhia na Buka e piti i roto i te rima o Epharaima, riro atu ra hoê, i roto i ta'na na rima.

Ua faauehia te poropheta e papai i nia iho i na raau ra.

"Na Iuta hoê, e na te tamarii a Iteraera, e to'na ra mau hoa. E te tahi raau ra, a papai ai i nia iho, na Iotepha, te raau no te Epheraima, e te utua-fare atoa o Iteraela, e to'na ra mau hoa" EZEKIELA. 37: 16-17. I muri iho i te tupuraa o teie nei mau parau tohu i tohu-hia e EZEKIELA, na o na Itaia pene 29 na irava 11 e te 12.

"Ua tuuhia teie nei parau i roto i te rima o te taata ite i te taiô parau ra: E na'o atu ai a taiô na oe i tera ra buka, te parau mai ra oia, eaha e tia'i ia taiô tei piahia."

"E ia hopoi hoi i taua buka ra i te taata aore i ite i te taiô parau e na'o atu ai, a taiô na oe i tera ra buka, te parau maira oia, aore au i ite i te taiô parau."

Ua tupuhia teie nei parau i te anatau no Iotepha Simita ia afaihia te parau no te Buka a Moromona, i te taata ite oia hoi o Tehaere Anatoni e ua na'o maira oia, i te peropheta Iotepha "Eiaha e tia'i ia taiô tei piahia",

E parau rahi roa te Buka a Moromona i teie nei ui, e te mau ui i mua nei ra. Ia ite papu ratou i to ratou hui tupuna, e te ohipa i haapa'ohia e ratou ra.

Te faaitehia nei i roto i taua Buka ra, te mau huru ohipa e ravehia i na matahiti 1.000.

Mai te anatoa i faaruehia Lehi ma ia Ierutalema, e 600 matahiti hou i te fanauraa o te Metia e tae noa'tu i te matahiti e 421 i muri iho to te Metia fanauraa.

I taua matahiti ra ua pohe te mau Ati Nephi, e e vetoofanu pue taata Ati Lamana te toe ra.

E parau mau te Buka a Moromona. E ua faaitehia mai na taata e too-toru e parau tia ia.

E i muri mai ra, ua tuatapapahia te papairaa e na taata, e too vau. E tei roto i te api matamua taua parau faaite ra.

TE PARAU AUTAHU'ARAA

AVA'E ATOPA

TIHOTI M. LAKE.

BENIAMINA WINKEL.

LEVI LEATHAM.

ELEDONA MORTENSEN.

E haapii hoi te pupu autahu'araa i te parau i tohuhia e te mau peropheta no te taeraa o te Buka a Moromona. E hi'o i te âpi matamua o teie nei vea, i reira e ite hia' itaua mau parau maitai ra. E imi atoa hoi te tahi mau parau i roto i te Buka a Moromona.

2. Nephi 5: 29 — 30.

2. Nephi 27: 6 — 26.

Moromona na pene 8 e te 9.

3. Nephi 16: 4 — 14.

Na te mau haapii hahaere na te mau utuafare.

BAPETITORAA

4. "Te faaroo nei matou e, o taua mau faaueraa ra, te Toru ra te Papetitoraa ia i roto i te pape, ia matara te hara.

E haapii atu râ i te taata utuafare i te mau parau o te Bapetitoraa.

Ua Bapetitohia te Metia e Ioane i roto i te anavai Ioritana.

Ua rahi roa te pape tahe i reira.

Taua Bapetitoraa o te Metia, hoê â ia e te fanauraa taata, maita te Metia i faaite ia Nitetomo ra i te pô, i tae mai oia iana.

Teie te huru mau o te papetitoraa i te tau o te Metia ra, e i muri a'e, e rave rahi te matahiti.

E teie nei Bapetitoraa i haapa'ohia e Ioane, raua o Ietu, i taua anotau ra e mea maitai hoi ia haapa'o tatou i teie nei anotau hopea nei.

E faaitoito tatou i te haapiiraa i te mau parau, e te mau ohipa matamua o te Evaneria ra, ia papu te taata paatoa i taua mau ture ra.

John 3: 3 e 5. Heb. 6: 1 — 2.

Rom. 6: 4 e 5. Col. 2: 12

TE TOTAIETE VAHINE TAUTURU.

AVA'E ATOPA.

MAUDE WOODBURY.

NOROTA HARDY.

TOTARE GREEN.

IOSEPHA G. STEVENS.

Mahana Maha (Matamua)

Irava parau tumu: 2. Cor. 13: 13.

E aroha rahi o Ietu i te taata paatoa.

Mataio 22: 37, 38. Ioane 3: 16.

E teie nei, e iriti te mau tuahine i te ratou mana'o i nia i te parau. Aroha.

Mahana Maha (Piti)

E hahaeere atu te mau tuahine i te utua-fare, e haapii i te parau aroha ia noaa mai râ, te taata paatoa i te aroha mau, mai ta ratou i ite i te Fatu ra.

Eiaha e paraparau i te ino, te tahi e te tahi, e faaoromai râ i te ino.
E ia hahae, e hopoi atu i te tamahanahana, te parau tauturu, e te maita'i.

Mahana Maha (Toru)

Haapiiraa.

Alama. Pene 19

Te aroha rahi no te arii vahine ia. Amona, hi'o na irava 10—14.

Mahana Maha (Maha)

E haapii te himene api e e tamau i te himene tahito ra.

E haapii atoa te mau tamarii i te himene.

Ua papu ia tatou, na roto i teie nei mau himene te parau mau a te Atua ra.

Haapiiraa Sabati

AVA'E ATOPA

GOLADENA W. MACK.

TENETA A. WILDE.

ANDEREA N. MACHEN.

PÉRETI B. ASAY.

Parau tumu Alama 1: 27-28.

3 no Atopa

E tao'a rahi tei ia Alama e ta'na ra mau tae'ae Motia, na pene 23-24-25.

10 no Atopa

Te tatarahaparaa o Alama Tamaiti e te tamarii tamaroa o te arii ra o Motia: Motia pene 26, 27, 28, 29.

17 no Atopa

Te Buka Alama tamaiti: Alama pene 1, 2, 3.

24 no Atopa

Ua rave anei i hora Alama i te ohipa Etaletia. Alama pene 4, 5, 6.

31 no Atopa

Te mau faaueraa maitata'i a Alama. Motia pene 23, 24.

Te pupu pifi

Te parau no te papetitoraa i nene'ihia i teie nei vea, e te parau no te haapii hahaere.

Paraimere

3 no Atopa. Te taata tao'a rahi. E mea veve ia. Luka 12: 13-22

10 no Atopa. Te parau no Latara. Luka 16: 19-31

17 no Atopa. Te vahine veve i arohahia. Luka 7: 36-50

24 no Atopa. Haamaita'iraa tamarii. Mataio 18: 1-10 Mareko 10: 13-16 Luka 9: 46-50

31 no Atopa. Hi'opo'araa ohipa, no te ava'e Atopa.

Haapiiraa na te Feia Api.

AVA'E ATOPA.

TENA PALMER.

NOELA C. DEVEY.

VELA C. HUNTING.

VERANONA C. THURGOOD.

I Papaihia e Beniamina Winkel

HAAPIIRAA HOÊ.

"Te Ohipa a Ta'na Metua ra"

Uiraa 1. Tei nia anei i te ao nei, te hoê pupu taata tei ore i faaroo ia Iesu mai te faaora o to te ao taatoa nei?

Pahonoraa: E, te vai nei, oia hoi, te Ati Iuda, te rahiraa o te huitaata i te fenua Tinito, e te fenua Inidia te fenua Japone, e Rutia, e te vai atu â te mau fenua, tera râ, te vai ra te mahana, e fa'i te mau vahi atoa, e o Iesu te fatu, e hanahana'itu te Atua Metua ra.

Uiraa: 2. Ia Iesu i tae atu i te hoê-ahuru-ma-piti o to'na matahiti, Eaha ia te ohipa api i haamatahia e ana?

Pahonoraa: Ua haamata oia i te haapao i te ohipa a ta'na Metua, "Na-o-maira oia i ta'na Metua vahine, "Eaha orua i imi ai

ia'u, aita orua i ite e ia haapa'o vau i ta ta'u metua (ohipa) e tia'i.

Uiraa 3. Eaha ra te ohipa a ta'na Metua ra?

Pahonoraa: A faaitehia'i Mose i te huru o te ao nei, e te mau mea ora i nia iho e te Atua, na roto i te heheuraa, ua na'o maira te Atua, Inaha teie ta'u ohipa e ta'u hanahana, ia faariro mai te mea tahuti nei, ei mea tahuti ore, e ia faatae mai te ora mure ore i te taata atoa.

Uiraa: 4. Eaha ia te auraa mau o te "Ora Mure Ore"?

Pahonoraa: Ia faaea i mua i te aro o te Atua, e ia riro hoi mai ia'na te huru, e e roaa mai ia tatou na roto i te ite papu i te Atua mau ra, e te tamaiti ta'na i to'no mai.

Uiraa: 5. No te aha, Iesu i mairi i muri ai i to'na na Metua i te oroâ "Pasa"

Pahonoraa: No te mea, ua taarii ia'na te tumu ta ta'na Metua i tono mai, e te ohipa te vai ra i mua ia'na, e no reira oia i haamaita'i i taua ohipa ra.

Uiraa: 6. No te aha, te Atua Metua i tuu mai ai ia tatou i nia i te ao nei?

Pahonoraa: Ia tia ia tatou ia haere i mua, oia hoi, ia roaâ m a i te hoê tino tahuti noa, e te ite o te pae tino nei.

Uiraa: 7. Nahea ra tatou e roaâ mai ai i te "Ora Mure Ore"?

Pahonoraa: Na roto i te ite i te mau faaueraa ta Iesu i vaiho na tatou, ia tia ia tatou ia "ite" ia'na, e i reira, te haapa'oraa i taua mau mea ra.

Parau Tauturu:

Luka 2: 42-50

Mose 1: 39

Ioane 6: 38-40

Ioane 17: 1-3

Philipi 2: 10-11

"E, ia tapea maite i ta'u faaueraa, e tae noa'tu i te hopea, e ora mure ore te noaâ, te reira ia te tao'a tei hau roa'tu i te rahi i ta te tao'a atoa a te Atua".

Buka Fafau. 14: 7.

HAAPIIRAA PITI

“Te imiraa i te Atua”

Uiraa 1. Eaha ta Aperahama fifi i te imiraa i te Atua?

Pahonoraa: Ua fifi rii Aperahama i te imiraa i te Atua, no te mea te haamori ra to'na iho Metua i te idolo, e tae noa'tu i to'na, mau fetii, e tae noa'tu i te rahiraa o te taata atoa ra.

Uiraa: 2. Eaha te tumu te Atua i parauhia'i, te Atua o Aperahama, e o Isaaka e o Iakoba?

Pahonoraa: No te mea, ua haamori ratou atoa i te Atua, e tae noa'tu i to ratou mau tamarii, no reira, i mairibia'i teie i'oa ra.

Uiraa: 3. Ua horo'a mai te Atua e na ture hoê ahuru ia Ise-raela, eaha ia te matamua a taua mau ture ra?

Pahonoraa: Teie ia, “Eiaha roa to oe e Atua e atu ia'u nei.

Uiraa: 4. Eaha, e au anei te reira ture tahito ia tatou i teie nei mahana?

Pahonoraa: Oia mau ia, e mea huru varavara ra te taata te haamori nei i te idolo, tera ra, ua rau te huru o te Atua tei haamoriahi nei, oia hoi, i te tahi pupu taata varua ana'e to te Atua ia vetahie, e mana ana'e to'na, e i vetahi atu â, aita e huru to'na, maori ra, te mahana e te mata'i. E te vai atu ra te mau huru tei mana'ohia nei e tetaata.

Uiraa: 5. Eaha ia te auraa, “ia ite i te Atua?

Pahonoraa: Teie ia, oia hoi, ia ite i to'na huru mau, e ia haapa'o i te mau parau ta'na i tuu mai ia tatou.

Uiraa: 6. No te aha, e mea tia ra ia Iesu ia haere mai i nia i te ao nei, e horo'a mai i to'na ora, ei tutia no to te ao atoa?

Pahonoraa: No te mea, ua tae mai te taata i raro nei na roto i te hara, e aita e ravea ia ho'i i mua i te aro o te Atua, mairi ra, ia faaore i te reira hara.

Uiraa: 7. Eaha te auraa mau o teie nei parau, "ia ite ia Iesu"?

Pahonoraa: Ia ite papu, o Iesu mau te faaora o te taata atoa, e ia ite hoi o Oia te tamaiti fanau tahi a te Atua.

Uiraa: 8. Eaha te mea e roaa mai ia tatou, ia ite papu i te Atua mau ra, e ta'na tamaiti, ta'na i tonono mai?

Pahonoraa: Ua roaa mai ia tatou i te Ora Mure Ore.

Parau Tauturu:

Aperahama 1: 2

Exodo 20: 3

Korinetia hoê 8: 6

Mose 5: 1—11

Ioane hoê 2; 3—5

"E e mea ino ia outou ia haamori ia Iehova, e faataa na outou i teie nei mahana i ta outou e haamori . . . area vau, e to'u utua-fare atoa ra, e haamori matou ia Iehova."

Iosua 24: 15

HAAPIIRAA TORU

"Te Afua o Iseraeia."

Uiraa: 1. E mea nahea tatou i te haapii i te mau mea?

Pahonoraa: Na roto i te ite papûhia i te hoê hoho'a i reira, e taa ia tatou ia faaau te tahi mau mea i taua hoho'a ra ta tatou e ite papu nei, oia hoi, aore outou i ite i te huru o te ua paari tei mairi mai i te tau toetoe i te fenua papaa, tera ra ia faaahia taua "ua paari" ra i te hoho'a e papu ia outou, oia hoi, te raiti nei, ua papu rii ia outou te huru o te ua paari. Aita atoa i papu ia tatou te huru o te Basileia o te ao, tera ra, ia Iesu i faaau te Basileia i te upea, faa'ihia i te i'a, e aore ra, te hoê faai-poiiporaa, i reira e papu ai ia tatou, mai te reira hoi te huru.

Uiraa: 2. Teihea te parau rahi i te ture?

Pahonoraa: "Hinaaro oe i to Atua ra, ia Iehova ma to aau atoa, ma to varua atoa, e ma to mana'o atoa. O te ture matamua teie e te hau i te rahi",

Uiraa : 3. O vai te Atua?

Pahonoraa : Te Atua o te mau Atua, e te Fatu o te mau Fatu e te mana tei hau atu i te rahi i te mau mana.

Uiraa : 4. Eaha ia te huru o te Atua?

Pahonoraa : E hohoa mau ia o te taata nei, mea e ra te huru o to'na ra tino, e tino tahuti ore to'na e te hanahana hoi.

Uiraa : 5. Ua ani mai Philipa ia Iesu ia faaite mai i te Metua, Eaha ra ta Iesu i pahono mai ia'na?

Pahonoraa : "O te hi'o mai ia'u ra, ua hi'o ia i te Metua".

Uiraa : 6. Eaha te auraa o te reira; "O te hi'o mai ia'u ra, ua hi'o ia i te Metua.

Pahonoraa : Teie mau te auraa, oia hoi : e huru taata to te Atua, mai ia Iesu, mai te au ia tatou. A haamana'o maite talou i te parau. "Hamani ihora hoi te Atua i te taata ma to'na ihora huru, i hamani ai oia ia raua, o te tane e te vahine.

Uiraa : 7. Eaha, e tia ia tatou ia pure. "To matou Metua i te ao ra"?.

Pahonoraa : No te mea e, o Oia to tatou Metua i te pae varua, no reira e tia ia tatou ia Poro ia'na "to tatou Metua", E, e mea tia hoi ia ani noa i to tatou Metua i te mau mea ta tatou e hi-naaro, e tia hoi Oia, ia faaroo mai i ta'na mau tamarii.

Uiraa : 8. Eaha ta Iosepha Semita i haapili mai, na nia iho i te huru o te Atua?

Pahonoraa : O Oia tei faaite mai i te ao paatoa nei te huru mau o te Atua, Ua ite matahia e Iosepha, e no reira, e tia ia'na ia faaite mai ia tatou. E i teie nei ra, ua iteahia taua mau parau nei i roto i te Bibilia.

Pahonoraa : Aita ia, e huru varua to'na, e tino varua, mai te hohoa taata. Ua riro ra te uupa ei taie no te Varua Maitai i nia i taua mahana baptizoraa ra.

Uiraa ; 8. Eaha te tere o te Varua Maitai?

Parau Tauturu:

Ioane 14: 6-9

Ioane 1: 14

» 12: 45

Mataio 7: 9-12

Kolosa 1: 15

Hebera 3: 4

Hebera 1: 1-3

“I tena na, a auraro atu outou i te Atua. E patoi atu i te diabololo, e na’na e mauê e atu. Iakobo 4: 7.

 HAAPIIRĀA MAHA
Te “Ite” o Iesu

Uiraa: 1. Na vai Iesu i bapetizo?

Pahonoraa: Na Ioane Bapetizo.

Uiraa: 2. I hea oia i te bapetizoraahia?

Pahonoraa: I roto i te anavai ra o Ioridana.

Uiraa: 3. E hia matahiti to Iesu i te taime i bapetizohia’i?

Pahonoraa: E toru ahuru aore.

Uiraa: 4. Eaha te tumu Iesu i bapetizohia’i, aita ta’na e hara?

Pahonoraa: Ia faatia i te mau parau-tia atoa e au ai.

Uiraa: 5. Nahea ra Ioane i te ite. O Iesu teie, te tamaiti a te Atua?

Pahonoraa: Na’o maira te Atua ia Ioane; “O ta oe i hi’o i te Varua i te pouraa mai e te faaeearaa i nia iho ia’na ra. O Oia tei bapetizohia ma te Varua maitai.

Uiraa: 6. Eaha te huru o te fâraa mai, mai te ra’i mai, a bapetizo ai Ioane ia Iesu?

Pahonoraa: “E oti a’era Iesu i te bapetizohia, tia maira oia, mai raro mai i te pape, haere mai ra; e inaha, hi’o a’era oia i te Varua o te Atua i te pouraa mai, mai te uupa ra i te tauraa mai i nia iho ia’na, e inaha te reo maira no te ra’i mai i te na’o raa mai e, e ta’u Tamaiti here teie, ua mauruuru roa vau ia’na.

Uiraa: 7. Eaha te huru o te varua maitai, e uupa anei?

Pahonoraa: Te faa-a'o, a te Varua Maitai ra, na te Atua ia i tonu mai, na to'u nei i'oa, na'na e haapii mai ia outou i te mau mea atoa, e e faaite faahou mai hoi ia outou i te mau parau atoa ta'u i parau atu ia outou na.

Uiraa: 9. E mea nahea tatou e fanau faahouhia'i?

Pahonoraa: Na roto i te bapetizoraa e te tuuraa rima, ia farii i te Varua Maitai, e ia ore te taata ia fanau faahouhia, e ore roa oia e ô i roto i te basileia o te Atua.

PARAU TAUTURU:

Mataio 3: 13-16.

Ioane 1: 32.

Ioane 16: 7, 8, 13.

Ioane 14: 26.

Luka 4: 1-20.

Ioane 3: 34.

"Area ta te Varua e faatupu ra o te hinaaro ia, te oaoa, te hau, te faaoro-mai, te marû, te maitai, te faaroo, te mamahu, te hitahita ore, aore hoi e ture i te reira". Galatia 5. 22, 23.

Parau: Api.

Ia tae maira te ava'e no Tenuare 1938, e faarahihia te hoo no te vea' E pae farane i te matahiti hoê, e hoê ahuru farani i na matahiti e toru. E faa-itoito te taata paato'a i te haponoraa'tu i te moni Ve'a, hou te taeraa i nia i taua moni hoo ra. E mai te mea aita hoi i hope ta oe Ve'a, e amuihia te moni api i taua Ve'a ra.

Te Paraimere

AVA'E ATOPA

ROBETA M. JOHNSON.

HENERE C. TEEPLES.

RAREFA R. TAYLOR.

NILE R. CHUGG.

E haapii te Paraimere i te parau i faa-a'o-hia no te feia api i neneihia i teie nei Ve'a. — E haapii atoa hoi te tamarii i te mau oreroraa api, oia hoi: te Plain Quadrille, e te Sir Roger De Coverly, na Ore o te hau i te maitai ia haapiihia ra.

Te Maa no te Varua o te Taata nei o te Parau Mau ia

Te hinaaro nei te mau taata atoa i te Parau Mau. Na te reira e faatupu i te hau e te mauruuru. Na te reira hoi i haamaha i te

mau fana'o varuaraa o te taata nei. O te maa mau ia te reira no te Varua ra. Area, i hea taua maa nei e iteahia'i? Tera ia te pahonoraa: Tei te Ekalesia a Iesu Mesia ia e o te maa mau ia tei haapa'ia i to te taata ra Varua.

Te mau noa i te taata'toa, ra te hoê mau uiraa tei tafifi ia ratou ra. E teie te pahonoraa o taua mau uiraa nei: te maitai e te hau e fariihia'i, o teie te hoê o taua mau uiraa nei:

No hea mai te taata? E oraraa Varua to te taata hou teie oraraa nei. Ua parahi oia i ô i te Atua ra i te matamua. I reira oia i tupu e i rahi ai te ite e te paari e tae noa'tu i te navai ia haere mai i roto i te hoê ao api. E i te au i te opuaraa a te Atua, i te faatlaraa râ i to te taata iho hinaaro, oia i tuuhia'i e te Atua i nia iho i te fenua nei.

No te aha te taata i nia iho i te fenua nei? Ia noaa ia'na, no roto i te haapao, te mau tamataraa e te mau haerea i te tahuti nei, i te puai, i te paari e i te ite atoa hoi ra. Ia haavi hoi ia'na iho i te roaâraa mai i te oaoa e i te faaineineraa no to'na ra ora mure ore. Ia tauturu atoa hoi oia i to'na taata tupu, i to'na haereraa i mua, ia roaa atoa ia'na iho taua mau haamaitairaa

E haere te taata i hea i muri iho i te poheraa? E haere oia roto i te ao Varua. E haapii noa â oia i reira e e haere noa â hoi oia i mua. Ei reira oia e faautuahia'i mai te au i te ohipa i ravehia e ana i te ao nei. Eafai atoa oia i reira i te mau faufaa e au no te pae Varua i noaâhia ia'na, a parahi ai oia i te ao nei.

Eaha te ture no te ora? O te haereraa mure ore i mua. Na hea te taata ia haamauruuru i te Atua, maori râ ia haapii noa oia e ia faatupu noa i te parau-tia atoa e i te mau ohipa maitatai

Eaha te ture no te taata nei? Ia faatiahia oia ia haapao i to'na ihora hinaaro e ia maiti i te parau mau na'na iho, a tuuhia' i mua ia'na ra. E ia ore atoa te hoê mea i faatiahia ia tapea to'na ra tiâma e to'na ra feruriraa.

Eaha te taata? O te tamarii ihoa oia na te Atua ra. Ua hea mai ia'na i te huru Atua-raa no ô mai i to'na Metua i te ao ra. Te ohipa e te hanahana o taua Metua ra, o te faataeraa mai ia i te tahuti ore e te ora mure ore i teie mau tamarii e tia ia haere â ratou i mua e ia riro atoa mai ia'na te huru.

O vai te Atua? O to te taata iho ia Metua Varua, o tei ite, o tei faaroo e o tei aroha mai â ia tatou nei. E taata Oia mai ia tatou nei. Ua faaite mai Oia ia'na iho i to'na mau Peropheta i mutaa ihora. E te faaite noa nei â Oia ia'na iho i to'na mau tavini i teie anotau no te aratairaa ia ratou i mua Ia'na.

Eaha te Ekalesia a Iesu Mesia? O te hoê ia o ratou tei farii i te Evanelia faahuru ê orehia a Iesu Mesia, e o tei haapa'o atoa i ta'na ra mau faaueraa. E tei taua Ekalesia a Iesu Mesia ra te mana ia rave i te mau ohipa mo'a atoa ra i roto i te ao nei.

Tera ia te mau pahonora tei faatupu i te hau e te oaoa. O te mau huru pahonora ia tei faariro i te Feia Mo'a ei Feia ite i te pae Varua e ei Feia faaea ore i te raveraa i te ohipa a te Fatu.

O te parau mau Ia, tei faaamu i te Varua o te faafa nei.

"E ani, e horoâhia mai ta outou, e imi, e itea ia ia outou, e patoto atu, e iritihia mai te opani ia outou". Matalaio 7: 7.

Papaihia e ROBETA Orometua.

Te Hoê Puta Nainai

I roto i ta tatou puta faufaa, te vai nei te hoê tavini no te pene hoê ahuru aore i roto i ta tatou Bibilia, i te puta Apookalupo.

Mai te mea e, e taiô tatou i te reira pene, e ite tatou, ua tae i te hoê melahi i pihai iho ia Ioane, e ua horoa atu te melahi ia Ioane i te hoê puta nainai, e ua faaite oia ia Ioane : a amu oe i teia puta. Ua rave Ioane i te puta, e ua amu oia i te reira puta.

Teie nei te hinaaro nei tatou ia ite i te auraa i te reira puta, e na to tatou tavini, e faaite ia tatou i te reira.

I roto i te Apookalupo, pene iva, ua ite Ioane i te huru o te mau ati, e tupu nei, i te tufaa o te ao nei, i te Ekalesia a Iesu Metia. E ia ite oia ua tupu te tama'i, e te hinaaro nei te mau taata i te faaroo te Idolo.

Ua ite oia, te tupu nei te reira mau ohipa i roto i te fenua, i to'na porohaereraa i te Evaneria e e mea papu ua tupu i te hoê mana'o i roto i to'na aau, teie anei te hopea o te Ekaletia a Iesu Metia? E hare anei te Ekaletia mai te mau taata i te tau o Noa, e e pohe anei i te Ekaletia ?.

Ua tae mai te pahonuraa i te reira mau uiraa, i roto i te Apookalupo pene hoê ahuru aore.

I te taeraa mai te Melahi i pihaiho ia Ioane, ua faaite oia i te reo mai te liona te huru.

Apookalupo pene hoê ahuru, irava ono e te hitu.

Irava ono. Ua tapu ihora ia'na i te tia i te oraraa e a muri noa'tu, o te hamani i te ra'i, e te mau mea atoa i roto ra, e te fanau, e te mau mea atoa i roto ra, e te tai, e te mau mea atoa i roto ra, e e ore e nahia e tae ai i taua tau ra.

Irava hitu. Ia tae râ i te tau faaotoraa a te toohitu o te Melahi ra, ia faaoto oia i ta'na ra pû, ia tupu faaoti roa te parau aro a te Atua i ta'na i faaite mai i ta'na mau tavini i te mau peropheta ra.

Teie te hoê orama o te faahoiraa o te Ekaletia a Iesu Metia i te ao nei, na roto i te peropheta o Iosepha Semita. (Oia hoi) te orama o te faahoiraa mai i te Ekaletia na mua i te taeraa piti mai o te Metia.

I te taeraa mai o te reira puta nainai, i te ao nei, te reira te haamataraa faahou i te mau peropheta, no te mea i roto i te irava hoê ahuru ma hoê i te reira pene, ua tae te parau ia Ioane, e tohu faahou â oe i mua i te aro o te mau nunaa e rave rahi, te mau fenua, te mau reo ee, e te mau arii atoa hoi.

I roto i te pene hoê ahuru aore, te vai nei te parau i te faahoiraa mai e te faatia faahouraa i te Ekaletia i to tatou tau, e mea paputeie parau, o teie pene, mai te papuraa i te parau i te puta Isaia, pene iva, irava ono e te hitu, o te fanauraa o te Metia.

No reira te auraa i te reira puta nainai, te hoê parau na Ioane, e haere oia e haaputuputu i te mau pupu o Iteraera (Oia hoi) te mana no Elia.

NOELA, Orometua.

E ore te taata e ora i te maa ana'e ra Mataio 4: 4

E parau maere rahi te parau no to Iesu faahemaraahia e te tiaporo.

E piti tau tumu i maere ai tatou.

1. Aita o Tatane i riarua i ta'na ohipa; ahiri oia i tamata noa i te mau tamarii hara a te taata nei, ua hinaaro râ oia e ia hi'a atoa te tamaiti a te Atua.

I te taima e arata'i ai te tiaporo ia Iesu i te metepara ra o te taima ia i rahi ai to te Atua mauruura ia'na, e a tau mai ai te varua maitai i nia iho ia'na, Mataio 3: 16-17.

E tapa'o oia e, te tahi taima ta Tatane e faaau ai i te imiraa i to tatou pau.

O te laime no te oaoaraa, e no te auhune.

E ara tatou i te reira e vaiiho tatou i te rahiraa o te parau, e feruri tatou i te faahemeraa matamua.

1. To te tiaporo faahemaraa matamua?

2. O taua maa nei ia!

Mai te mea ra e, o ta te tiaporo ravea rahi, teie e aita'tu, i to'na imi-raa i te pohe o te taata maori râ te maa, oia hoi ta te tino, ta te amu, ta te inu; i roto i te O Etene, te ravea mau ia ta'na i imi ia riro te mata, e te rima, e te aau hoi, no te Atamu matamua. Tenete 3: 6-7; i roto i te metepara. O taua ravea i nia â ta te tiaparo e tuu nei i te aro o Iesu, te Atamu piti e i te tau hopea roa nei, e ere anei o teie mau ta Tatane ravea tumu maori ra ta te amu, e te inu, te rahi noa nei te feia e hoo atu i ta ratou tufaa matahiapo. Mai ia Etau i te amuraa maa hoê. Hepera 17: 15.

I te hoê tumu i ore ai Iesu i faati'a i te hinaaro o te Tiaporo?

1. No te mea e eita te taata e ora i te maa ana'e ra.

No Mose teie reo, i te matamua, mai tei papaihia i roto i te Deuteronomi 8: 3.

O ta Iesu atoa ia i parau i ta'na mau pipi tei tapitapi i ta te tino e i te maa ana'e ra, e matâ na i te imi i te basileia a te Atua, e te parau tia nânâ ra, e amuihia mai te mau mea atoa ra to te varua poi haraa e to'na hia'airaa.

E hape rahi to te tahi pae e parau e, a amu, e a inu ananahi hoi tatou e pohe ai. Torinetia I 15: 37.

Mai te mea ra e, aita'tu e maa i te maa tino nei, teie ta'na o te haapa'o i te hinaaro a to'na metua. Ioane 4: 31-34.

E te faatupu i to'na basileia.

Oia'toa to tatou varua i hiaai i te mau pape rii tahe e tia i Taramo 47: 1-7

E i te û ano'i orehia o te parau na te Atua! Petero I 7: 7.

Ua haperâ te taata o te mana'o e, e amu te varua na te vaha. Ruta 17: 19-20.

E parau mau e amu te varua i te maa eiha na te vaha, na te taria ra e faaroo mai, e ora ia to outou varua.

E tapi tatou i taua maa tahuti ore ra. Mataio 6: 30-31.

(Louis Drollet Gérant)

Papa'ihia Mahinui à Tehiva